



UNIVERSITÄTS-
BIBLIOTHEK
PADERBORN

Divus Stanislaus Kostka S.I.

Callenberg, Caspar

Neuhusii, 1716

Iconismus 15.

[urn:nbn:de:hbz:466:1-69536](#)

5. De eodem meditante Inferos.

Cur oculis objecta tuis, *Acherontis* imago,
 Ex oculis pluvias jugiter haurit aquas?
 Parce metu lacrymose puer: tibi *Tartara* parcent:
 Non uno coeunt ignis, & unda loco.

Parce metu, quid enim metuas incendia? fida,
 Cui sunt in promptu, tam prope semper, aqua.

ICONISMUS 14.

Stanislaus mentem suam de ineunda Societate
Iesu; quā aliquamdiu præposterā vere-
 cundiā præpeditus, celaverat; Confes-
 sario suo aperit, liquidissimis subinde
 gaudiis Cœlitus perfusus. Epigraphe:
 NVDAT CVRARVM seCRETA. Claudio-
 nus l. i. de rapin Proserp.

Epigram.

Non miror curis Kostkam mordacibus ustum;
 Conceptum clauso dum tenet ore Deum.

Non miror magnis Kostkā plausisse triumphis;
 Dum, quod mente diu parturit, ore parit.
 Femina sic varios patitur, dum parturit, æstus;
 Sed dolor in plausus, dum parit illa; perit.

ICONISMUS 15.

Stanislaus emissō de intrandâ Societate
Iesu

Jesu Voto, Carni, Mundo, Dæmoni
 procul stantibus, tergum obvertit, cū
 dicto: nescio Vos Vnde sitis,
DIsCEDITE. Luca 13. 27.

Epigram. Stanislans loquitur:

Ite malæ pestes; Vitiorum semina: tanti
 Non mihi sunt pestes, æger ut esse velim.
 Inficit immundus Mundus, Plutonia Plutus
 Regna aperit; præbet vera venena Venus.
 Non bonus est latero Mundus; sed latro malignus;
 Dum lactat, mattat; dum favet, ille furit.
 Sunt oculi Veneris, scopuli; sunt munera verè
 Funera: cùi Cypris non sapit; ille sapit.
 Pungit, non ungit Plutus; quod buccinat aurū,
 Hoc ornare minūs; plūs onerare solet.

2.

*De Kostka perpetuam virginitatem Re-
 ginæ Virginum offerente.*

Virginibus Mos est, flores adamare, puellis,
 Quos facili tellus parturit alma sinu.
 Tu quoque Virgineæ Regina Maria catervæ,
 Credenis oblati floris honore capi.
 At reliquos inter tamen, ô pulcherrima! flores,
 Virginei florem, Virgo, pudoris amas.
 Hunc tibi perduto donavit munere Kostka;
 Floridiorq; dato, postea, flore fuit.

3. De

3. De Stanislao in nullis temporalibus
conquiescente.

Kostkae juveni totus non sufficit Orbis :

*Kostkans juvenis, dic quid : avarus homo est,
Si dederit cunctos Regina Pecunia nummos,*

Plus ultra, juvenis dicet : avarus homo.

Liquida si toto circumfluat amne Voluptas,

Plus ultra juvenis dicet : avarus homo est.

Prodiga, quotquot habet, si donet Gloria fasces ;

Plus ultra juvenis dicet : avarus homo est.

Plus ultra semper dicet, fac quidquid adesse ,

Et solum cunctis numen abesse bonis :

Quippe suo tantum saturatur Numine Kostka :

Quanta mentis homo, noster avarus homo est !

ICONISMUS 16.

*Pedibus Patris Magii Provincialis Austriaci
affusus, admissionem petit, intento in sa-
crum Iesu nomen digito. Epigraphe :
HO C NOMEN, QVOD VOCABUNT. Je-
remia 33. 16.*

*Epigram. Stanislaus sui admissionem
urget :*

Querimus (ut dicunt) dum vivimus, esse beatum

Me Iesu Sociis, ô pater ! adde; beas.

Obligor ex Voto, Sociis me jungere Iesu :

Voti damnetur Kostka; beatus erit.